



**ბუღალტრული აღრიცხვის,
ანგარიშგებისა და აუდიტის
ზედამხედველობის სამსახური**

19 დეკემბერი 2025



N188239

ქ. თბილისი

ბ რ ძ ა ნ ე ბ ა

შპს „PB Distribution“-სთვის წერილობითი გაფრთხილების სახით პასუხისმგებლობის დაკისრების შესახებ

შპს „PB Distribution“-ს მიერ (ს/ნ - 404393731, მისამართი: ქ. თბილისი. დ. გურამიშვილის გამზირი 64) (შემდგომ - სუბიექტი) ბუღალტრული აღრიცხვის, ანგარიშგებისა და აუდიტის ზედამხედველობის სამსახურს (შემდგომ - სამსახური) 2024 წლის საანგარიშგებო პერიოდის ანგარიშგება 2025 წლის 16 დეკემბერს წარედგინა.

სუბიექტის მიერ წარდგენილი ინფორმაციის თანახმად, იგი წარმოადგენს II კატეგორიის საწარმოს.

„ბუღალტრული აღრიცხვის, ანგარიშგებისა და აუდიტის შესახებ“ საქართველოს კანონის (შემდგომ - კანონი) მე-9 მუხლის მე-3 პუნქტის შესაბამისად, სამსახურმა განახორციელა წარდგენილი ანგარიშგების კანონითა და „ანგარიშგების ვებგვერდზე მომხმარებელთა რეგისტრაციის, სუბიექტების მიერ ანგარიშგების წარდგენისა და წარდგენილი ინფორმაციის გასაჯაროების წესის დამტკიცების თაობაზე“ ბუღალტრული აღრიცხვის, ანგარიშგებისა და აუდიტის ზედამხედველობის სამსახურის უფროსის 2019 წლის 21 მაისის №6 ბრძანებით დამტკიცებული წესით (შემდგომ - წესი) დადგენილ მოთხოვნებთან შესაბამისობის გადამოწმება და გამოარკვია:

კანონის მე-6 მუხლის პირველი პუნქტის შესაბამისად, „სდპ, პირველი და მეორე კატეგორიების საწარმოები და პირველი და მეორე კატეგორიების ჯგუფები ვალდებული არიან, უზრუნველყონ საკუთარი ფინანსური ანგარიშგების/კონსოლიდირებული ფინანსური ანგარიშგების აუდიტი ამ კანონის მე-15 მუხლით გათვალისწინებული წესით, თუ შესაბამისი სფეროს მარეგულირებელი ნორმატიული აქტებით სხვა რამ არ არის დადგენილი“. სუბიექტის მიერ ატვირთული ანგარიშგება არ არის აუდიტირებული.

კანონის 26-ე მუხლის მე-3 პუნქტის შესაბამისად, „ამ კანონის მე-6 მუხლის პირველი პუნქტის მოთხოვნის შეუსრულებლობის შემთხვევაში სუბიექტს წერილობითი გაფრთხილება ეგზავნება. წერილობითი გაფრთხილებით განსაზღვრულ ვადაში სუბიექტის მიერ აუდიტირებული ფინანსური ანგარიშგების კანონის მოთხოვნების შესაბამისად წარუდგენლობა გამოიწვევს მის დაჯარიმებას ამ მუხლის პირველი პუნქტის შესაბამისად. სამსახური სუბიექტს აუდიტირებული ფინანსური ანგარიშგების წარსადგენად ფულადი ჯარიმის შესახებ აქტით დამატებით ვადას განუსაზღვრავს. სამსახურის მიერ სუბიექტისთვის განსაზღვრული ვადა არ უნდა იყოს 1 თვეზე ნაკლები და 6 თვეზე მეტი. აღნიშნულ

ვადაში სუბიექტის მიერ აუდიტირებული ფინანსური ანგარიშგების წარუდგენლობა გამოიწვევს მის დაჯარიმებას საწარმოს კატეგორიისთვის განსაზღვრული ჯარიმის ორმაგი ოდენობით“.

„აუდიტორული ფირმის - შპს „აუდიტ - თა“-ს და აუდიტორული ფირმის გარიგების პარტნიორის თამარი კაპანაძის მოკვლევის შედეგების შესახებ“ სამსახურის უფროსის 2025 წლის 5 ნოემბრის N562 ბრძანების შესაბამისად, დასრულდა აუდიტორული ფირმის - შპს „აუდიტ - თა“-ს (ს/ნ 204574406, სარეგისტრაციო ნომერი SARAS-F-245931) (შემდგომ - ფირმა) და აუდიტორული ფირმის გარიგების პარტნიორის თამარი კაპანაძის (სარეგისტრაციო ნომერი SARAS-A-115087) მოკვლევა და ფირმის ერთადერთი გარიგების პარტნიორი - თამარ კაპანაძე ბუღალტერთა საერთაშორისო ფედერაციის (IFAC) მიერ დადგენილი პროფესიონალი ბუღალტრების ეთიკის კოდექსის (IESBA Code) (შემდგომ - პროფესიული ეთიკის კოდექსი) დარღვევების გამო ზემოხსენებული ბრძანებით ამოღებულ იქნა აუდიტორების/აუდიტორული (აუდიტური) ფირმების სახელმწიფო რეესტრიდან. ფირმას და ფირმის გარიგების პარტნიორს - შეეზღუდათ მიმდინარე გარიგების საფუძველზე შესასრულებელი, აუდიტორული მომსახურების (სავალდებულო აუდიტის) დასრულების საშუალება.

2025 წლის 26 ნოემბერს სუბიექტმა სამსახურს მიმართა განცხადებით (სამსახურის ელექტრონული საქმისწარმოების სიტემაში რეგისტრაციის ნომერი: 190264/16), ხოლო 2025 წლის 1 დეკემბერს წარმოადგინა საწარმოსა და ფირმას შორის 2025 წლის 29 აგვისტოს გაფორმებული ხელშეკრულება აუდიტორული მომსახურების გაწევის თაობაზე. სუბიექტმა მიუთითა, რომ სამსახურის უფროსის 2025 წლის 5 ნოემბრის N562 ბრძანების შესაბამისად, აუდიტორული ფირმა ვეღარ ახერხებდა მიმდინარე გარიგების საფუძველზე შესასრულებელ აუდიტორულ მომსახურებას, რის გათვალისწინებითაც, სუბიექტმა ახალი აუდიტორული ფირმის მოსაძებნად და დასკვნის მოსამზადებლად ითხოვა კანონით გათვალისწინებული მაქსიმალური ვადა.

სამსახურმა იმსჯელა და მიიჩნია, რომ საქმის ფაქტობრივი გარემოებებიდან გამომდინარე, მიზანშეწონილია იმოქმედოს კანონის 26-ე მუხლის მე-3 პუნქტით განსაზღვრული დისკრეციის ფარგლებში და აუდიტირებული ანგარიშგების წარმოსადგენად საწარმოს განუსაზღვროს კანონით გათვალისწინებული მაქსიმალური ვადა.

კანონის მე-9 მუხლის მე-3 პუნქტისა და 26-ე მუხლის მე-3 პუნქტის საფუძველზე,

ვ ბ რ ძ ა ნ ე ბ:

1. სუბიექტს მიეცეს წერილობითი გაფრთხილება;
2. სუბიექტს დაევალოს, კანონით დადგენილი წესით ანგარიშგების ატვირთვის ჩანართში ატვირთოს აუდიტირებული ინდივიდუალური ფინანსური ანგარიშგება და მმართველობის ანგარიშგება (აუდიტორის დასკვნასთან ერთად) სრულად, ერთ დოკუმენტში ბრძანების ოფიციალური წესით გაცნობიდან 6 (ექვსი) თვის ვადაში;
3. ამ ბრძანების მე-2 პუნქტში მითითებული მოთხოვნის შეუსრულებლობა გამოიწვევს სუბიექტის დაჯარიმებას;
4. ეს ბრძანება ოფიციალური წესით გაცნობიდან ერთი თვის ვადაში შეიძლება გასაჩივრდეს ბუღალტრული აღრიცხვის, ანგარიშგებისა და აუდიტის საბჭოში (მის: ქ. თბილისი, გორგასლის ქ. N16) ან თბილისის საქალაქო სასამართლოში (მის: ქ. თბილისი, დ. აღმაშენებლის ხეივანი N64).

დავით მჭედლიძე

სამსახურის უფროსი

ბუღალტრული აღრიცხვის, ანგარიშგებისა და აუდიტის ზედამხედველობის სამსახური

